

vnd vns demnach mit fleis gebethen dartzu vnsere gunst vnd bewilligung zu geben. Als haben wier sollichs vor billich geacht vnd bewilligen auch darauff crafft ditz brifes, das genantem herrn Nicolaen Kluncker das ihenige, so ihme durch die verordenthe sequestratores vorschryben, solle folgen — *fast wörtlich übereinstimmend mit No. 357* —. Zu vrkunt mit vnserm anhangenden insigel besigelt vnd gegeben zu Meissen dinstag nach conceptionis Mariae von gots gepurt XV^c XXXX.

Nach dem Orig. auf Papier im K. Haupt-Staatsarchiv zu Dresden mit dem auf der Rückseite aufgedruckten Siegel des Herzogs.

No. 359. 1543. 27. Jan.

Bastian, Wolf und Thomas Kluncker Brüder und Lorentz Schonborn Bürger zu Meissen bekennen, das vns der gestrenge vnd vheste Hans Zesche vorwalter des closters zu sandt Affran von wegen vnser verstorbenen pruders vnd schwogers hern Niclasen Klungkers weylant probst desselbigen closters seligen gedechtnus fuff vnd zwantzig gulden vf das quartal Luciae, so er erlebt, entricht vnd zugestalt, die wir auch von seiner gestrengkeit empfangen vnd dauon des hern probsts gelassene schulde abgelegt vnd betzalet haben, sogen derowegen seine g. oder wer deßelben quittirns notturfftigk solcher XXV fl. queit ledigk vnd loß hirmit vnd in crafft diser vnser quittantz, welche Valten Schein der stadtschreiber zu Meissen vf vnser vleissiges bitten doch ime vnd seinen erben one nochteil mit seinem gewonlichen petschofft hirunden beglaubiget. Actum sonnabents noch conversionis Pauli anno 2c. XLIII.

Nach dem Orig. auf Papier im K. Haupt-Staatsarchiv zu Dresden mit dem innen aufgedruckten Siegel des Valten Schein.

1) Er starb Mittwoch vor Luciae (12. Dec.) 1540 laut der noch jetzt vorhandenen an der Afrakirche befindlichen Grabschrift.

No. 360. 1543. 19. Mai.

Ich Johannes Rospach vicarius in der thumkirchen zu Meyssen mit diser meiner hantschrift bekenn, das ich von dem gestrengen vnd vhesten Hansen von Schossen¹⁾ vorwalder des closters zu S. Affran sibezigk gulden empfangen zu anrichtunge der gebeuden der neuhen schulen zu S. Affran, sog der halben obgemelten Hans von Schossen sollicher 70 fl. queit ledyg. Geben zu Meissen sonabet noch pfinsten im drey und vierzigstem jhar.

Nach einer gleichzeitigen Abschrift im K. Haupt-Staatsarchiv zu Dresden.

1) Hans von Zeschau, in No. 359 Hans Zesche genannt.